

BULETIN **unisel**

UNIVERSITI SELANGOR

Peneraju Transformasi

**KENAPA
PERLU PILIH
UNISEL?**



**PENDIDIKAN
PELABURAN
PEMBERDAYAAN
RAKYAT BERILMU**

**PERKASAKAN
PENDIDIKAN
VOKASIONAL DAN
TEKNIKAL**

**SEDIA
PERUNTUKAN
MENCUKUPI NAIK
TARAF UNISEL**

dari meja editor

Assalamualaikum Warahmatullahi Wabarakatuh dan Salam Sejahtera

Segala puji dan syukur ke hadrat Allah SWT kerana dengan izin dan limpah kurnia-Nya, Buletin UNISEL keluaran April 2016 dipermudahkan penghasilannya. Ikhlas dari saya, terima kasih kepada semua yang membantu, hanya Allah SWT sahaja yang mampu membalsas segala bentuk pertolongan tersebut.

Sidang pembaca sekalian;

Alhamdulillah, transformasi yang telah dirancang oleh Presiden & Naib Canselor tidak menunggu masa yang lama untuk dibuktikan. Beliau begitu komited dalam merealisasikan transformasi tersebut, baik dari sudut fizikal maupun modal insannya. Lihat sahaja banggunan Fakulti Kejuruteraan yang sudah berubah wajah dan lain-lain fakulti yang bakal mengikut langkah yang sama, ini satu kebanggaan buat semua dari kita. Tahniah Prof Dato' Dr Mohammad Redzuan Othman.

Dari kaca mata pentadbir seperti saya, perubahan serta penambahbaikan seperti ini sudah tentu bakal memberikan kekuatan tambahan kepada universiti. Transformasi yang sedang giat dilaksana adalah atas kepercayaan Kerajaan Negeri yang memandang UNISEL sebagai sebuah pusat kecemerlangan pendidikan di Selangor

harus diberi perhatian sepenuhnya demi kedaulatannya. Perkara ini ditegaskan oleh Menteri Besar semasa lawatan kerja beliau ke Kampus Bestari Jaya pada 17 Mac 2016 yang lalu;

"Hari ini pendidikan itu dilihat semata-mata dalam konteks pelaburan ekonomi sahaja. Tapi saya lihat dari sudut berbeza. Pendidikan ini selain daripada pelaburan infrastruktur dan kemudahan tetapi ia adalah pelaburan untuk ilmu pendidikan rakyat. Untuk itu Kerajaan Negeri mempunyai tanggungjawab moral membantu UNISEL"

DATO' SERI MOHAMED AZMIN BIN ALI
Menteri Besar

Selain itu, tanpa melepaskan peluang dalam coretan kali ini, saya menyeru kepada bakal mahasiswa diluar sana khususnya anak Selangor untuk memilih Universiti Selangor sebagai tempat menyambung pangajian selepas ini. Dengan yuran pengajian rendah dan kompetitif, fasiliti yang lengkap, tenaga akademik tersohor, program pengajian yang diiktiraf serta kejayaan melahirkan ramai graduan yang berjaya sebelum ini, InsyaAllah kami berupaya merealisasikan impian anda disini.

Akhir kalam, ampun maaf dipinta, jika ada tersilap kata atau terlanjur bahasa yang menguris hati sesetengah pihak di dalam penerbitan buletin keluaran kali ini. Sesungguhnya yang baik itu datangnya dari Allah SWT, dan khilaf itu dari pihak kami sendiri. Manakala, buat seluruh keluarga besar Universiti Selangor, saya tinggalkan anda semua termasuk diri saya sendiri dengan petikan kata-kata Presiden & Naib Canselor untuk renungan bersama;

"Bagi saya, saya tidak mahu tunggu tempoh setahun atau enam bulan. Kalau boleh, esok saya sudah mahukan perubahan. Kalau tidak boleh esok, minggu depan. Kalau tidak boleh minggu depan, bulan depan. Sasaran saya perubahan perlu berlaku secepat mungkin. Sebab bagi saya perubahan itu perlu berlaku segera. Itu pendekatan pentadbiran saya"

PROF DATO' DR MOHAMMAD REDZUAN OTHMAN
Presiden & Naib Canselor

Sekian,

HASRIL ABU HASSAN
Ketua Editor.

Sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR
Tel : +603-55223420
Email : corporate@unisel.edu.my
Website : media.unisel.edu.my

Penaung	: Prof Dato' Dr Mohammad Redzuan Othman Presiden & Naib Canselor	Editor	: Ahmad Norman Abu Talib Penolong Pengurus Komunikasi Korporat
Penasihat	: Hajah Fauziah Abd Rahman Ketua Pentadbiran Pejabat Naib Canselor & Ketua Pustakawan	Wartawan	: Pejabat Komunikasi Korporat
Ketua Editor	: Hasril Abu Hassan Pengarah Komunikasi Korporat	Fotografi	: Pejabat Komunikasi Korporat
Pembantu Editorial:			: Hasni Mohd Noor : Nor Hasnida Mohd Hosni : Aiman Mudzafar Mohamad Khairi

kandungan

- 4 Pendidikan Pelaburan Pemberdayaan Rakyat Berilmu
- 5 Perkasakan Pendidikan Vokasional Dan Teknikal
- 6 Sedia Peruntukan Mencukupi Naik Taraf Unisel
- 6 Mahasiswa Unisel Hargai Keprihatinan Kerajaan Negeri
- Menteri Besar Turun Padang Lawat Unisel Tanda Prihatin
- 7 Kenapa Perlu Pilih UNISEL?
- 8 Kedutaan Lesotho Bertemu Naib Canselor Perkuuh Kerjasama
- Canselor, Pro Canselor Lawat Unisel Bestari Jaya Tinjau Perkembangan Terkini
- 9 Naib Canselor Bertemu Pentadbir Untuk Perkasa Pengurusan
- Lawatan Ke Asrama Bukti Naib Canselor Prihatin
- 10 Prof Dato' Dr Mohammad Redzuan Santuni Penduduk Kampung Bestari Jaya
- 11 Presiden Unisel Puji Kakitangan Ganda Usaha Bantu Pemasaran
- 121 Pelajar Universiti Bina Darma Lawat Unisel
- 12 Persatuan Alumni Doktor Pendidikan Mahu Bantu Pendidikan Negara
- Unisel Jalin Kerjasama Dengan Aia Dan Ees
- 13 Wacana Tamadun Selangor Beri Pendedahan Generasi Muda Kenali Sejarah
- 14 Unisel Meterai Mou Bersama Ijn Malang
- Unisel Jalankan Projek Satreps Bukti Diiktiraf
- 146 Pelajar Fakulti Seni Lukis Dan Seni Reka Terima Sijil Anugerah Dekan
- Unisel Bawa Pulang Tiga Perak Dan Dua Gangsa Sukipt





Menteri Besar mahu pendidikan vokasional dan teknikal diperkasa di UNISEL

PENDIDIKAN PELABURAN PEMBERDAYAAN RAKYAT BERILMU

PENDIDIKAN perlu dilihat bukan hanya dalam konteks pelaburan ekonomi sahaja malahan pelaburan pemberdayaan rakyat mendapatkan ilmu dan pendidikan.

Menteri Besar, Dato' Seri Mohamed Azmin Ali, berkata definisi pendidikan perlu dilihat dalam konteks yang lebih meluas.

"Pendidikan ini selain daripada pelaburan infrastruktur dan kemudahan tetapi ia adalah pelaburan pemberdayaan untuk rakyat mendapat ilmu pendidikan.

"Untuk itu Kerajaan Negeri mempunyai tanggungjawab moral membantu UNISEL mencapai matlamat itu," katanya.

Beliau berkata demikian sewaktu lawatan ke UNISEL Bestari Jaya, di sini pada 17 Mac lalu.

Dato' Seri Mohamed Azmin berkata, beliau mengambil inisiatif untuk turun padang ke UNISEL supaya beliau bersama pimpinan negeri dapat memahami masalah sebenar dihadapi pelajar dan warga pendidik di

kampus itu.

Dalam lawatan bermula kira-kira jam 1 petang, Dato' Seri Mohamed Azmin turut solat berjemaah di Masjid UNISEL sebelum makan tengah hari bersama pensyarah, mahasiswa serta pimpinan pelajar di universiti itu.

Program itu juga bertujuan untuk merapatkan lagi hubungan antara Menteri Besar bersama warga universiti.

Dipetik dari SelangorKini

PERKASAKAN PENDIDIKAN VOKASIONAL DAN TEKNIKAL

KERAJAAN Negeri mahu pendidikan vokasional dan teknikal diberikan penumpuan khusus sebagai persediaan ke arah negeri berintensif modal dan teknologi tinggi.

Menteri Besar, Dato' Seri Mohamed Azmin Ali, berkata dalam keadaan ekonomi di Selangor yang kukuh dan baik, beliau inginkan sektor pendidikan diberi keutamaan khususnya di Universiti Selangor (UNISEL) dan Kolej Universiti Islam Antarabangsa Selangor (KUIS).

"Untuk merealisasikannya, Kerajaan Negeri bertanggungjawab menyediakan tenaga kerja terlatih dan mahir, sistem pendidikan negara perlu dirombak seperti saya bahaskan dalam parlimen awal.

"Ia supaya Kerajaan Persekutuan menumpukan soal pendidikan vokasional dan teknikal sebagai asas pendidikan negara," katanya selepas lawatan ke Kampus UNISEL Bestari Jaya, di sini pada 17 Mac lalu.

Menurutnya, pemerkasaan pendidikan vokasional dan teknikal dilaksanakan di negara maju seperti Jerman dan Jepun.

Dato' Seri Mohamed Azmin sempat beramah mesra bersama para pelajar di dalam kelas ketika mengadakan lawatan kerja di UNISEL



Tetapi malangnya di negara ini, Kerajaan Persekutuan hanya memperuntukkan belanjawan kecil untuk pendidikan vokasional dan teknikal.

"Jadi kita akan mulakan di peringkat negeri untuk memastikan universiti di Selangor ada korikulum vokasional dan teknikal.

"Untuk itu, hari ini kita mendesak beberapa isu prasarana di UNISEL yang daif diberi

perhatian dan tidak mungkin kita wujudkan jabatan baru yang boleh menumpukan soal vokasional sekiranya prasarana ini tidak di naik taraf terlebih dahulu.

"Saya akan memastikan masalah itu ditangani segera supaya matlamat pendidikan dapat dicapai," katanya.

Dipetik dari SelangorKini

SEDIA PERUNTUKAN MENCUKUPI NAIK TARAF UNISEL



Dato' Seri Mohamed Azmin melihat keadaan infrastruktur di UNISEL

KERAJAAN Negeri sedia memperuntukkan dana mencukupi bagi menaik taraf dan membaik pulih prasarana Universiti Selangor (UNISEL) di Bestari Jaya.

Menteri Besar, Dato' Seri Mohamed Azmin Ali, berkata pihaknya mengenalpasti masalah

yang berlarutan sekian lama dan perlu ditangani segera dengan peruntukan besar.

"Menjadi tanggungjawab moral Kerajaan Negeri membangunkan UNISEL sebagai pusat kecemerlangan ilmu kerana kita mahu menjadikan Selangor sebagai hak pendidikan

serantau.

"Saya akan mengumumkan dalam masa terdekat jumlah peruntukan dana dipersetujui bagi membiayai kos prasarana diperlukan," katanya selepas lawatan ke Kampus UNISEL Bestari Jaya pada 17 Mac lalu.

Katanya, beliau juga melihat beberapa bangunan fakulti yang perlu pembaikan dan naik taraf seperti keperluan mendesak ICT (Teknologi Maklumat).

"Saya melihat sendiri keperluan UNISEL dan akan mengumumkan dana dipersetujui oleh Kerajaan Negeri dalam tempoh dua minggu ini," katanya.

Selain itu, kita juga menerima memorandum daripada Majlis Perwakilan Pelajar (MPP) untuk mempertimbangkan beberapa perkara.

Antara perkara dibangkitkan MPP UNISEL dalam memorandum adalah menyemak semula yuran asrama yang perlu dibayar pelajar sebanyak RM200 serta cadangan untuk Kerajaan Negeri memberikan subsidi nasi dan sayur.

Dipetik dari SelangorKini



Para pelajar hargai keprihatinan ditunjukkan oleh Kerajaan Negeri

MAHASISWA UNISEL HARGAI KEPRIHATINAN KERAJAAN NEGERI

SELURUH warga Universiti Selangor gembira apabila menerima kehadiran Menteri Besar, Dato' Seri Mohamed Azmin Ali pada 17 Mac lalu.

Disifatkan seorang pemimpin berjiwa rakyat yang prihatin mengenai pendidikan, beliau membuktikannya apabila meluangkan masa mengadakan lawatan kerja di UNISEL Kampus Bestari Jaya.

Ini adalah merupakan lawatan rasmi pertama beliau walaupun sebelum ini pernah beberapa kali ke UNISEL menghadiri Istiadat Konvokesyen yang diadakan setiap tahun.

Kehadiran beliau disambut oleh Presiden & Naib Canselor, Prof Dato' Dr Mohammad Redzuan Othman bersama pengurusan tertinggi universiti serta pimpinan pelajar.

Dalam lawatan bermula kira-kira jam 1 petang, Dato' Seri Mohamed Azmin solat berjemaah di Masjid UNISEL sebelum makan tengah hari bersama para pensyarah, mahasiswa serta pimpinan pelajar di universiti ini.

Jelas, program seumpama ini merapatkan lagi hubungan antara Dato' Menteri Besar bersama warga universiti.

Beliau kemudian dibawa melawat asrama, dewan kuliah, perpustakaan, makmal dan beberapa kawasan sekitar di kampus Bestari Jaya.

Ini adalah bagi membolehkan Menteri Besar dapat melihat dengan lebih dekat segala

KERAJAAN Selangor dan kepimpinan Universiti Selangor (UNISEL) diyakini mampu menyelesaikan isu permasalahan dihadapi di kampus utama UNISEL Bestari Jaya.

Koordinator Demi Mahasiswa UNISEL (DMU), Abdul Kahar Abdul Manaf, berkata DMU mengucapkan tahniah kepada pimpinan Kerajaan Negeri apabila turun padang melihat masalah dihadapi mahasiswa dan mahasiswi UNISEL.

"Syabas khususnya kepada pimpinan Kerajaan Selangor yang sanggup turun padang demi melaksanakan agenda pembangunan modal insan."

"DMU yakin pentadbiran Menteri Besar, Dato' Seri Mohamed Azmin Ali, mampu menyelesaikan kemelut dihadapi masyarakat UNISEL," katanya dalam kenyataan media.

Katanya, isu prasarana dan fasiliti dihadapi seperti perpustakaan dan fakulti mendapat perhatian serius dan diberikan keutamaan Menteri Besar sendiri.

"Komitmen Kerajaan Negeri membantu membangunkan UNISEL sudah berada dilandasannya betul dan perlu disokong masyarakat UNISEL sendiri."

"Pada masa hadapan, diharapkan perbincangan dua hala antara pimpinan Kerajaan Negeri dan mahasiswa/mahasiswi diperbanyakkan."

Katanya, DMU yang mewakili suara mahasiswa/mahasiswi UNISEL Bestari Jaya terus menyokong usaha dijalankan menaik taraf sistem pendidikan di UNISEL.

Dipetik dari Selangorkini



Keprihatinan Dato' Seri Mohamed Azmin terserlah melalui lawatan kerjanya

MENTERI BESAR TURUN PADANG LAWAT UNISEL TANDA PRIHATIN

kemudahan serta fasiliti yang telah disediakan buat kegunaan pelajar selama ini.

Lawatan tersebut diadakan untuk meninjau keadaan terkini kemudahan dan fasiliti yang terdapat di kampus berkenaan.

Hasil lawatan tersebut, beliau bersedia untuk menyediakan peruntukan bagi kerja-kerja penambahbaikan bagi memastikan keselesaan terhadap warga UNISEL.



KENAPA PERLU PILIH UNISEL?

PRESIDEN & Naib Canselor Universiti Selangor (UNISEL), Prof Dato' Dr Mohammad Redzuan Othman menggariskan kelebihan ditawarkan universiti ini sebagai tempat menyambung pelajaran ke peringkat lebih tinggi berbanding institusi pengajian tinggi swasta (IPTS) lain.

Katanya, antara kelebihan ditawarkan adalah UNISEL mampu menyediakan tenaga pengajar mempunyai rekod cemerlang diperakui pihak bertanggungjawab.

"UNISEL ditaja Kerajaan Negeri dan anak Selangor diberi insentif tertentu, tetapi

yang penting apabila bercakap berkenaan pelajar baru.

"Berdasarkan pandangan pelajar sendiri melalui kajian dibuat, pelajar melihat pembelajaran kita tawarkan adalah terbaik," katanya kepada SelangorKini di pejabatnya di Kampus Shah Alam di sini pada 11 Mac lalu.

Pada masa sama beliau berkata, UNISEL mempunyai tenaga pengajar dengan rekod cemerlang terdiri daripada penerima Anugerah Akademi Negara, 12 profesor dan lebih 30 peratus pensyarah memiliki Ijazah



Wawancara bersama SelangorKini

Doktor Falsafah (PhD).

Katanya, rekod kecemerlangan di UNISEL turut menjadikan graduan lulusan universiti terbabit laris dalam pasaran pekerjaan berbanding IPTS lain.

"Bila kita tanya pelajar sebab apa memilih UNISEL, mereka kata berpuas hati terhadap pembelajaran diterima daripada pensyarah," katanya.

Selain itu, UNISEL juga mampu menawarkan yuran pengajian rendah dan kompetitif berbanding IPTS lain dengan perbezaan besar sehingga mencecah RM10,000.

Ketika ini juga UNISEL sedang menjalani proses transformasi besar-besaran dengan meningkatkan dan membaiki kemudahan infrastrukturnya untuk kemudahan dan keselesaan pelajar.

Dipetik dari SelangorKini

Di UNISEL, pelajar berpeluang menyambung peringkat lebih tinggi



KEDUTAAN Lesotho mengadakan kunjungan hormat ke Universiti Selangor untuk mengukuhkan hubungan bersama Presiden & Naib Canselor, Prof Dato' Dr Mohammad Redzuan Othman.

Lawatan diadakan semalam diketuai oleh Pesuruhjaya Tingginya, Dr Mabaphethi Moorosi-Molapo juga bertujuan untuk menyemak kembali segala perancangan dan projek yang dirancang bersama UNISEL pada tahun lalu.

Tahun lalu, Lesotho mengadakan lawatan ke UNISEL bersama wakil kedutaan Tanzania

KEDUTAAN LESOTHO BERTEMU NAIB CANSELOR PERKUKUH KERJASAMA

Pertemuan diadakan dalam suasana mesra



Prof Dato' Dr Mohammad Redzuan menyampaikan cenderamata kepada Dr Mabaphethi Moorosi

CANSelor, PRO CANSelor LAWAT UNISEL BESTARI JAYA TINJAU PERKEMBANGAN TERKINI



Pertemuan berlangsung dalam suasana penuh mesra

Taklimat yang disampaikan mengenai pelan struktur Kampus Bestari Jaya



CANSelor Universiti Selangor (UNISEL), Yang Amat Dihormati, Raja Tan Sri Arshad Alhaj Raja Tun Uda Alhaj bersama kedua-dua Pro Canselor, Yang Berbahagia, Dato' Setia Dr Anuar Masduki dan Yang Amat Dihormati, Tan Sri Dato' Sri Dato' Setia Ismail Adam mengadakan lawatan ke Kampus Bestari Jaya pada 2 Mac lalu untuk melihat perkembangan terkini universiti.

Malah lawatan tersebut bertujuan untuk merapatkan hubungan bersama Naib Canselor yang baharu dilantik dua bulan lalu, Prof Dato' Dr Mohammad Redzuan Othman.

Dalam majlis yang berlangsung penuh mesra itu, mereka turut diberi taklimat mengenai infrastruktur yang ada di kampus berkenaan.

Mereka kemudian dibawa meninjau beberapa kawasan antaranya Fakulti Kejuruteraan dan beberapa fakulti berhampiran serta kawasan tanah yang ada di kampus itu.

Kemudian turut diadakan pertemuan tertutup melibatkan Canselor, Pro Canselor serta Naib Canselor.

Kedatangan mereka ke universiti ini menunjukkan keprihatinan terhadap masa depan UNISEL.

Ia juga untuk membolehkan perancangan lebih baik dilaksanakan pada masa akan datang

NAIB CANSELOR BERTEMU PENTADBIR UNTUK PERKASA PENGURUSAN



Para
pegawai
yang hadir



Prof Dato' Dr Mohammad Redzuan berucap

PRESIDEN & Naib Canselor Universiti Selangor (UNISEL), Prof Dato' Dr Mohammad Redzuan Othman mengadakan sesi pertemuan bersama semua staf pentadbiran (41-44) bagi menyampaikan ideanya untuk jangka masa pendek dan panjang.

Beliau menyampaikan segala hasrat yang mahu memastikan UNISE dapat mengecapi dengan baik. Pertemuan selama lebih kurang satu jam lebih yang berlangsung di Kampus Bestari Jaya itu telah berlangsung dengan baik.

LAWATAN KE ASRAMA BUKTI NAIB CANSELOR PRIHATIN



Prof Dato' Dr Mohammad Redzuan bertanyakan kepada para pelajar apa sahaja masalah yang mereka hadapi



PRESIDEN & Naib Canselor, Prof. Dato' Dr Mohammad Redzuan Othman mengadakan lawatan ke asrama Universiti Selangor (UNISEL)) Kampus Shah Alam yang terletak di Majlis Agama Islam Selangor (MAIS) dalam usaha melihat dengan mata sendiri keadaan hostel tersebut.

Dalam lawatan tersebut, Prof Dato' Dr Mohammad Redzuan sempat beramah mesra bersama staf penyelia asrama serta para pelajar.

Beliau turut melawat dua unit asrama yang mampu menempatkan kira-kira 700 pelajar.

Tujuan lawatannya itu adalah untuk meninjau keadaan fasiliti asrama tersebut kerana beliau selaku Presiden mahu memastikan pelajar yang tinggal di asrama keadaan selesa.

Hasil tinjauannya beliau berpuas hati dengan keadaan asrama tersebut namun mahu ia diperbaiki dalam beberapa perkara.

Tumpuan utama beliau pada masa ini

ialah untuk meningkatkan keselesaan kepada para pelajar serta lanskap di kedua-dua kampus.

Dalam pada itu, beliau sempat berbual bersama pelajar-pelajar yang tinggal di asrama untuk mengetahui masalah yang dihadapi mereka.



Penduduk kampung bersama pengurusan tertinggi UNISEL.

PROF DATO' DR MOHAMMAD REDZUAN SANTUNI PENDUDUK KAMPUNG BESTARI JAYA



Prof Dato' Mohammad Redzuan mendengar cadangan dilontarkan penduduk.

PRESIDEN & Naib Canselor Universiti Selangor (UNISEL), Prof Dato' Mohammad Redzuan Othman mengambil peluang mengukuhkan hubungan bersama penduduk Kampung Bestari Jaya dalam lawatan diadakan pada 26 Februari lalu.

Prof Dato' Mohammad Redzuan berkata, beliau berharap kerjasama erat dijalankan oleh universiti bersama penduduk kampung di Kampus Bestari Jaya sejak 2005 dapat dipertingkatkan.

Untuk itu, Prof Dato' Mohammad Redzuan

melahirkan harapan supaya kedua-dua pihak saling bantu membantu antara satu sama lain.

"Hari ini saya mengambil peluang untuk ucapan terima kasih kerana penduduk di sini secara tak langsung membantu universiti selama ini.

"Kita harap keakraban ini akan berterusan pada masa akan datang," katanya ketika berucap di kampung tersebut yang turut dihadiri Ketua Kampung Bestari Jaya, Mohammad Jinal Ariffin bersama hampir 100 penduduk.

Dalam pada itu, beliau menyatakan bahawa pintu universiti sentiasa terbuka untuk menerima anak-anak penduduk kampung tersebut menyambung pengajian.

Beliau turut berharap dengan adanya kampus tersebut di situ, ia dapat memberi manfaat besar kepada penduduk kampung dalam menambah ilmu.

Dalam majlis tersebut juga, penduduk kampung diberi peluang untuk bertanyakan soalan mengenai sebarang cadangan maupun permasalahan yang berlaku.



Prof Dato' Mohammad Redzuan bersalaman bersama penduduk

PRESIDEN UNISEL PUJI KAKITANGAN GANDA USAHA BANTU PEMASARAN

PRESIDEN & Naib Canselor Universiti Selangor (UNISEL), Prof Dato' Dr Mohammad Redzuan Othman kagum dan memuji semangat tinggi dipamerkan oleh kakitangan dalam misi menarik lebih ramai pelajar untuk membantu pemasaran universiti ini.

Prof Dato' Dr Mohammad Redzuan berkata, beliau dapat melihat usaha dilipatganda oleh semua jabatan mahupun fakulti dalam memastikan sasaran ditetapkan bagi tahun ini sebelum Jun dapat dicapai.

Beliau sebelum ini telah menetapkan sasaran pelajar baru yang melanjutkan pelajaran di UNISEL bagi memastikan universiti ini dapat beroperasi secara optimum.

"Saya dapat lihat sekarang semua orang bertungkus lumus mengadakan pemasaran dalam menarik lebih ramai pelajar.

"Saya harap sasaran untuk tahun ini akan dapat dicapai," katanya ketika berucap semasa Perhimpunan Bulanan March di Kampus Shah Alam di sini 14 Mac lalu.

Dalam pada itu, beliau turut menegur serta memberi amaran keras kepada mana-mana kakitangan yang didapati tidak memberi kerjasama dalam memastikan sasaran ini dapat dicapai.

Menurutnya, semua pihak perlu

bekerjasama memainkan peranan masing-masing.

"Semua pihak perlu terlibat dalam memastikan aspirasi UNISEL dapat dicapai," katanya.



Kakitangan menumpukan perhatian sepanjang perhimpunan



Barisan kepimpinan kanan UNISEL

121 PELAJAR UNIVERSITI BINA DARMA LAWAT UNISEL

SERAMAI 121 pelajar Universiti Bina Darma, Palembang, Indonesia mengadakan lawatan akademik ke Universiti Selangor (UNISEL) untuk meningkat kerjasama pada 17 Januari lalu.

Lawatan tersebut diadakan di Kampus Bestari Jaya di mana ia dihadiri oleh Pengarah Institut Kajian Malaysia Indonesia, Prof Mohd Zaidi Mohd Hajazi serta Timbalan Naib Canselor Akademik Universiti Bina Darma, Prof Dr Zainuddin.

Pemangku Naib Presiden dan Timbalan Naib Canselor Akademik dan Pengantarabangsaan, Prof Dr Mokhtar Abdullah turut berucap dalam majlis tersebut.

Dalam majlis tersebut turut diadakan bengkel isu terkini melibatkan teknologi maklumat serta penyelidikan masa kini.

Malah mereka turut melawat Fakulti Sains Komputer dan Teknologi Maklumat.



Prof Dr Zainuddin



Antara pelajar Universiti Bina Darma yang melawat UNISEL

PERSATUAN ALUMNI DOKTOR PENDIDIKAN MAHU BANTU PENDIDIKAN NEGARA

Persatuan Alumni Doktor Pendidikan (Ed.D) Universiti Selangor (UNISEL) membincangkan hala tuju yang mampu dilaksanakan oleh mereka dalam membantu masa depan pendidikan negara dalam forum diadakan di Hotel Quality pada 22 Januari lalu.

Forum Peranan Alumni Ed.D UNISEL Dalam Pembangunan Pendidikan Negara itu mendapat sambutan lebih 20 alumni yang turut hadir.

Alumni tersebut yang diwujudkan sejak 2007 kini sudah berjaya melahirkan 43 graduan.

Forum tersebut diadakan bertujuan untuk membincangkan peranan mereka dalam membantu meningkatkan mutu pendidikan negara.

Malah turut dibincangkan

usaha penyelidikan yang perlu diperbanyak demi memberi faedah kepada para pelajar.

Mereka turut menyeru semua pelajar yang bakal bergelar graduan untuk menyertai dan memberi sokongan kepada alumni.

Dalam pada itu, forum tersebut turut dimeriahkan dengan kehadiran Presiden dan Naib Canselor, Prof Dato' Dr Mohammad Redzuan Othman serta kedua-dua timbalannya, Prof Shaharuddin Badaruddin serta Prof Mokhtar Abdullah.

Dr Mohamad Rafie Ab Malek bertindak selaku moderator manakala Pengasas Program Ed.D, Dr Sulaiman Shamsuri dan mantan Dekan Fakulti Pendidikan dan Bahasa UNISEL, Prof Dr Ab Rahim Selamat.



Dr Mohamad Rafie selaku moderator forum tersebut yang turut dihadiri Prof Dato' Dr Mohammad Redzuan (kanan)

UNISEL JALIN KERJASAMA DENGAN AIA DAN EES

UNIVERSITI Selangor (UNISEL) mengadakan kerjasama dengan Association of Internal Accountants (AIA) dan Education and eLearning Services UK Limited (EES) dalam usaha menembusi pasaran global.

Kerjasama tersebut dimeterai melalui menandatangani memorandum perjanjian (MoA) diadakah di Kampus Shah Alam pada 23 Februari lalu.

Tujuan kerjasama ini dijalankan adalah



MoA yang dimeterai antara UNISEL, AIA dan EES



Prof Dato' Dr Mohammad Redzuan bersama Turnbull menandatangani MoA tersebut

untuk membolehkan UNISEL ke pasaran antarabangsa.

Ia dapat diterjemahkan melalui penghantaran pelajar UNISEL ke universiti-universiti yang terdapat di United Kingdom.

Antara objektifnya juga adalah melakukan pertukaran pelajar melalui program-program tertentu yang sesuai.

Malah kedua-dua pihak itu juga akan menghantar pelajar mereka untuk melanjutkan pengajian di UNISEL.

Selain itu, dijangka ketiga-tiga pihak akan bekerjasama dalam sebarang bentuk kajian melibatkan teknologi serta pendidikan.

Majlis MoA tersebut disempurnakan oleh Presiden dan Naib Canselor UNISEL, Prof Dato' Dr Mohammad Redzuan Othman bersama Ketua Pegawai Eksekutif AIA, Philip Turnbull dan Ketua Pegawai Eksekutif EES, Mahebub Alam Chatur.



Prof Dato' Dr Mohammad Redzuan bersama Prof Dr Shaharuddin sempat membeli buku berkaitan sejarah yang dijual sempena wacana tersebut



Mass Ahmad Kamal (tengah) bersama rakan-rakannya lengkap berpakaian tradisional



Ahmad Aimran

Panel wacana sedang membincangkan pelbagai topik

WACANA TAMADUN SELANGOR BERI PENDEDAHAN GENERASI MUDA KENALI SEJARAH

'WACANA Tamadun Selangor : Membongkar Sejarah, Melakar Tamadun' diadakan di Universiti Selangor, Kampus Shah Alam dapat memberi kesedaran mengenai sejarah lampau negeri ini.

Pengasas Armada Melayu Malaysia, Mass Ahmad Kamal Shafiee berkata, wacana sebegini dapat membuatkan generasi hari ini mengenal sejarah dengan lebih dekat.

Mass Ahmad Kamal berkata, ia juga membantu golongan pada masa kini mengenali asal usul masing-masing bukan sahaja melibatkan bangsa tetapi ekonomi, pendidikan dan politik.

"Program ini memang sangat bagus kerana bantu kita kenal kembali sejarah dahulu.

"Mengenai pelbagai perkara meliputi

bahasa, pakaian dan juga warisan di Selangor," katanya yang lengkap berpakaian tradisional Melayu.

Menurutnya, beliau menyertu lebih banyak lagi program seumpama ini dapat diadakan pada masa akan datang.

Pelajar UniSmart, Ahmad Aimran Abdul Razak, berkata, wacana ini memberi kesedaran kepada golongan muda seperti untuk mengetahui dengan lebih mendalam sejarah Selangor.

Ahmad Aimran menyifatkan ia juga menyedarkan masyarakat betapa pentingnya sejarah dalam pembentukan bangsa kerana melibatkan pelbagai aspek.

"Saya dapat tahu sejarah Selangor dengan lebih luas apabila menyertai wacana ini.

"Bagi semangat untuk orang muda seperti kami," katanya.

Lebih 200 pelajar UniSmart menyertai wacana ini yang dikendalikan oleh moderator, Pengarah Pusat Jaringan Komuniti UNISEL, Izwan Suhadak Ishak bersama panel antaranya Direktor Pusat Warisan Kajang, Lee Kim Sin, Felo IDE, Dr Mohammad Alinor Abdul Kadir dan Calon PhD ATMA, Mohd Rohaizat Abdul Wahab.

Wacana yang dihadiri oleh Presiden dan juga Naib Canselor, Prof Dato' Dr Mohammad Redzuan Othman tersebut dirasmikan oleh Naib Presiden dan Timbalan Naib Canselor Pembangunan Pelajar dan Jaringan Komuniti UNISEL, Prof Dr Shaharuddin Badaruddin.

UNISEL METERAI MOU BERSAMA IJN MALANG



Prof Dr Mokhtar bersama Dr Lalu menandatangani MoU tersebut



MoU berjaya disempurnakan antara kedua-dua pusat pengajian



Mengambil kesempatan merakamkan gambar kenangan

UNIVERSITI Selangor (UNISEL) menambahkan lagi hubungan antarabangsa bersama negara jiran, Indonesia apabila memeterai perjanjian persefahaman (MoU) bersama Institut Teknologi Nasional (ITN), Malang pada 24 Februari lalu.

MoU tersebut ditandangani dalam

mewujudkan kerjasama erat antara kedua-dua pusat pengajian pada masa akan datang.

Melalui kerjasama seperti ini, program pertukaran pelajar termasuk staf akan dilakukan dari masa ke semasa.

Malah ia turut melibatkan kerjasama di dalam bidang kajian penyelidikan.

MoU tersebut disempurnakan oleh Pemangku Naib Presiden dan Timbalan Naib Canselor Akademik dan Pengantarabangsaan, Prof Dr Mokhtar Abdullah bersama Rektor ITN Malang, Dr Lalu Mulyadi.

ITN Malang diwakili oleh delegasi seramai lima orang.

UNISEL JALANKAN PROJEK SATREPS BUKTI DIIKTIRAF

PEMILIHAN Universiti Selangor (UNISEL) sebagai wakil tunggal Institut Pengajian Tinggi Swasta (IPTS) dalam kajian bio-sumber Science and Technology Research Partnership for Sustainable Development (SATREPS) adalah satu pengiktirafan besar.

Presiden dan juga Naib Canselor UNISEL, Prof Dato' Dr Mohammad Redzuan Othman berkata, ia membuktikan IPTS juga mampu untuk bersaing dalam bidang kajian penyelidikan melibatkan projek berprestij tinggi bernilai hampir RM 26 juta ini.

Projek tersebut dilaksana oleh agensi Jepun, Japan Science and Technology (JSA) dan Japan International Cooperation.

Antara yang terlibat untuk projek penyelidikan ini adalah Universiti Putra Malaysia (UPM), Universiti Malaysia Terengganu (UMT), Soka Universiti, University of Tokyo, Tokyo Institute of Technology dan National Institute Environmental Studies.

Prof Dato' Dr Mohammad Redzuan menyifatkan ia juga secara tak langsung membuktikan IPTS dan Institut Pengajian Tinggi Awam (IPTA) boleh bekerjasama di dalam bidang kajian penyelidikan.

"Ini pengiktirafan yang membuktikan kita (UNISEL) mampu untuk menjalankan projek besar seperti ini.

"IPTS harus diberi peranan untuk projek seperti ini kerana kita ada kepakaran di dalam bidang-bidang tertentu," katanya pada sidang media selepas memeterai memorandum perjanjian (MoA) antara institut Malaysia dan Jepun di UPM di sini 1 Mac lalu.

UPM diwakili oleh Naib Canselor, Prof Datuk Paduka Dr Aini Ideris, Naib Canselor UMT, Prof Dato' Dr Nor Aieni Mokhtar dan Presiden Soka University, Prof Dr Yoshihisa Baba.

Makmal-makmal yang terlibat dalam penyelidikan bagi universiti-universiti Malaysia adalah Laboratory of Marine Bio-Optical Observation (LaMBO, UNISEL, di ketuai oleh Prof Dr Mohd Kushairi Mohd Rajuddin), Makmal Sains (UPM, Prof Dr Fatimah Md Yusof) dan Makmal Sains Marin Bioteknologi (UMT, Prof Dr Mohd Effendi Wahid).

Projek SATREPS yang akan bermula pada April depan selama lima tahun dijangka menjadi kunci pencarian baru sumber mikroorganisma yang akan digunakan secara global dalam industri sumber makanan manusia seperti ternakan ikan dan organisme lain.



Kesemua yang terlibat menandatangi MoA SATREPS



Prof Dato' Dr Mohammad Redzuan (kanan), Prof Dr Yoshihisa, Prof Datuk Paduka Dr Aini dan Prof Dato' Dr Nor Aieni menyempurnakan MoA SATREPS

I46 PELAJAR FAKULTI SENI LUKIS DAN SENI REKA TERIMA SIJIL ANUGERAH DEKAN

SERAMAI 146 pelajar cemerlang Fakulti Seni Lukis dan Seni Reka diraikan dalam Majlis Anugerah Dekan 2016 diadakan pada 22 Februari lalu di Kampus Shah Alam.

Majlis tersebut diadakan sempena meraikan kejayaan mereka mencapai keputusan peperiksaan membanggakan pada semester lalu.

Mereka yang terlibat adalah dari tiga program ijazah dan diploma ditawarkan fakulti berkenaan.

Ini merupakan kali pertama majlis seumpama ini diadakan dan ia dijangka diadakan dua tahun sekali.

Dalam majlis bertemakan tradisional tersebut, Dekan fakulti, Prof Dr Abd Shukor Hashim menyempurnakan majlis penyerahan sijil.



Prof Dr Abd Shukor sedang berucap

Para pelajar dianugerahkan sijil dekan dalam majlis tersebut

UNISEL BAWA PULANG TIGA PERAK DAN DUA GANGSA SUKIPT

Sherrina (kiri) memenangi perak dalam SUKIPT



UNIVERSITI Selangor (UNISEL) mencatatkan pencapaian amat membanggakan dalam Kejohanan Sukan Institut Pengajian Tinggi (SUKIPT) apabila berjaya membawa pulang tiga perak dan dua gangsa.

Kejayaan tersebut disifatkan amat manis sepanjang tiga kali penyertaan UNISEL dalam kejohanan tersebut.

Walaupun kontinjen UNISEL gagal mencapai sasaran empat emas, namun kejayaan ini tidak harus dipandang sepi.

Ita membuktikan prestasi UNISEL di dalam kejohanan tersebut sudah menunjukkan peningkatan dari tahun ke tahun.

Tiga perak tersebut diperolehi dalam acara judo 66 kilogram (kg) lelaki melalui Muhamad Danish Shamsudin, 400 meter perempuan (Sherrina Mohamad Shaffrin), taekwondo lelaki (Muhammad Shafiq Istijab) manakala gangsa dipungut oleh Muhammad Khairi Mukim dalam pencak silat kelas D dan Mohamad Hashri Mohamad Taupik (ping pong perseorangan).

SUKIPT berlangsung pada 25 Januari hingga 5 Februari lalu di Universiti Teknologi Malaysia (UTM) Skudai, Johor.

Antara peserta UNISEL yang bertanding



JOM
MASUK
UNISEL

Kemasukan

Mei 2016

PROGRAM TAHUN ASAS

- Tahun Asas Sains
KPT/JPS(R/4213/0009)03/17
- Tahun Asas Pengurusan
KPT/JPS(R/345/3/0172)02/17
- Program Asas Teknologi Maklumat
KPT/JPS(R/482/3/0008)08/16
- Program Asas Sarjana Muda
Pendidikan (Pengajaran Bahasa Inggeris sebagai Bahasa Kedua) KPT/JPS(R/144/3/0003)07/17

PROGRAM DIPLOMA

- Diploma Pengurusan Perniagaan
KPT/JPS(R/345/4/0566)06/19
- Diploma Perakaunan
KPT/JPS(R/344/4/0261)06/19
- Diploma Pengurusan Pentadbiran
KPT/JPS(R/345/4/016)10/16
- Diploma Pengurusan Industri Sukan
KPT/JPS(R/813/4/0010)05/17
- Diploma Komunikasi & Media
KPT/JPS(R/32/14/0030)12/16
- Diploma Kejuruteraan Awam
KPT/JPS(R/526/4/0029)03/18
- Diploma Kejuruteraan Elektrik & Elektronik KPT/JPS(R/2/523/4/0061)01/21
- Diploma Kejuruteraan Mekatronik
KPT/JPS(R/2/521/4/0020)01/21
- Diploma Kejuruteraan Mekanikal
KPT/JPS(R/2/521/4/0019)01/21
- Diploma Teknologi Maklumat
KPT/JPS(R/481/4/0487)06/19
- Diploma Aplikasi Komputer Dalam Perniagaan KPT/JPS(R/482/4/0010)05/16
- Diploma Sains Komputer (Pengkomputeran Industri)
KPT/JPS(R/481/4/0043)05/16
- Diploma Teknologi Mudahalih
KPT/JPS(R/310/4/0002)05/16
- Diploma Industri Multimedia
KPT/JPS(R/213/4/0012)05/16
- Diploma Industri Bioteknologi
KPT/JPS(R/545/4/0021)06/18
- Diploma Akuakultur
KPT/JPS(R/624/4/0001)01/19
- Diploma Teknologi Industri
KPT/JPS(R/520/4/0044)09/18

- Diploma Sains Kuantitatif
KPT/JPS(R/462/4/0004)07/17
- Diploma Pengajaran Bahasa Inggeris Sebagai Bahasa Kedua
KPT/JPS(R/145/4/0021)02/17
- Diploma Pendidikan (Pengajian Pra Sekolah) KPT/JPS(R/143/4/0001)07/16
- Diploma Pendidikan (Pengajian Islam)
KPT/JPS(R/521/6/0037)09/17
- Diploma Sains Perpustakaan
KPT/JPS(R/222/4/0003)10/16
- Diploma Seni Reka Grafik Digital
R/213/4/0006)05/16
- Diploma Teknologi Fotografi
KPT/JPS(R/321/4/0042)05/17
- Diploma Pengimejan Perubatan
KPT/JPS(R/725/4/0012)07/16
- Diploma Fisioterapi
KPT/JPS(R/726/4/0007)07/16
- Diploma Teknologi Makmal Perubatan
KPT/JPS(R/725/4/0011)07/16
- Diploma Kesihatan Persekutaran
KPT/JPS(R/862/4/0006)07/16
- Diploma Kejururawatan
(R/723/4/0137)04/18

PROGRAM IJAZAH SARJANA MUDA (KEP.)

- ISM Perakaunan (Kep.)
KPT/JPS(R/344/6/0262)07/19
- ISM Kewangan (Kep.)
KPT/JPS(R/343/6/0130)07/19
- ISM Pemasaran (Kep.)
KPT/JPS(R/342/6/0131)06/19
- ISM Pengurusan Perniagaan (Kep.)
R/234/6/0795)01/20
- ISM Pengurusan Industri (Kep.)
KPT/JPS(R/345/6/015)01/16
- ISM Pengurusan Sumber Manusia (Kep.)
KPT/JPS(R/345/6/0202)01/17
- ISM Komunikasi (Kep.) (Komunikasi Korporat)
KPT/JPS(R/321/6/0065)09/18
- ISM Komunikasi (Kep.) (Kewartawanan)
KPT/JPS(R/321/6/0138)06/18
- ISM (Kep.) Seni Reka Grafik Digital
KPT/JPS(R/213/6/0007)08/16

SYARAT KELAYAKAN MASUK MINIMUM

Program Tahun Asas
Minimum 5 kredit dalam SPM/SPMV/ atau setaraf denganannya

Program Diploma
Minimum 3 kredit dalam SPM/SPMV/ O-Level atau setaraf denganannya

Program Ijazah Sarjana Muda
Sijil Tahun Asas/ Matrikulasi/ Diploma yang diiktiraf dan berkaitan sekurang-kurangnya CGPA 2.00 atau 2 prinsipal dalam STPM/ A-Level atau yang setaraf denganannya

CARA PERMOHONAN

- 1) Lengkapkan dan hantar keratan borang di bawah, atau,
- 2) Mohon online di www.unisel.edu.my, atau,
- 3) Whatsapp salinan gambar sijil akademik/ keputusan SPM/ STPM/ STAM anda di talian 019 - 327 8408/8605/8269

PENDAFTARAN :

19 MEI 2016

(Tahun Asas)

28 MEI 2016

(Diploma, Sarjana Muda)

www.unisel.edu.my

Borang Permohonan

Nama : _____	Alamat : _____	Poskod : _____
No. K/P : _____	No. Tel : _____	Emel : _____
Program Dipohon : 1. 2.		

(Sila sertakan salinan sijil akademik yang berkaitan untuk memudahkan proses penawaran)

Sebarang pertanyaan sila hubungi 03 - 5522 3400